

稀見地方史料叢書

學苑出版社

中國稀見地方史料集成

董光和 齊希 編

中國稀見地方史料集成

第二四冊 海虞別乘・二

學苑出版社

PDG

(明) 陳三恪纂修 清抄本

海虞別乘·二

新刊
海虞別乘
卷二
PDG

贈特進岳四世迪部志

宋史云端平三年蒙古攻真州知州丘岳部分嚴
明守具周志蒙古兵薄城輒敗岳乘勝出戰於胥
浦橋以強弩射其致師者一人死敵少部岳曰敵
衆十倍於吾我不可以力勝乃為三覆設砲石待
之于西城敵至伏起砲發殺其驍將敵衆大擾岳
選勇士襲敵營焚其廬帳越二日皆引去
跋丘山甫傳右宋東海侯丘岳山甫傳門生制置
司參議官孫吳會讓公以嘉定進士授太湖尉居

憂鎮江與知府趙范論事范辟公為僚屬入為兵
部郎出知真州真當北兵衝要山南出奇設備敵
攻圍不能入屢敗歟去後理財賦革鹽場弊忤史
嵩之意去官尋以右文殿脩撰淮南東路制置安
撫使兼知揚州控制全淮盡護諸將立策建勛獲
詔屢下召對緝熙殿詞語切直言者論之授寶謨
閣直學士提舉玉龍萬壽宮乃退居琴川宅虞山
之麓幅巾杖屨領容徜徉自謂書生亦竊至此得
安暮境皆君之賜功名之念畢矣復起為江東安

撫使因病乞骸骨以龍圖閣學士致仕卒嗚呼天
生材而君用之事業鉅細在所任輕重不可以此
論優劣山甫控淮而淮重備江而江險使秉均論
列則國勢強事體正不待言矣惜乎遇飄風而回
翔安所止於吾邑九歲之詩則亡鱗魴之名猶在
後之能言者有所稱述未必至于泯然識者當以
默喻止葦

富元衡字公權文忠公裔孫寓居常熟曾祖嚴咸平
詞科元衡幼入太學有聲場屋間登宣和六年進

士第調隨州隨縣簿建矣初為襄陽招撫司機宜
都督張魏公俊以材薦改秩為諸王宮教授大宋
正永紹興十一年以左宣教郎知江陰軍十二年
詔知路州學委守臣脩葺具次第驛聞元衡出緡
錢五十萬鳩工掄材庸間民以服役閱月而功成
嘗辨盜之不應死者全活數十人皆感泣知興國
軍二十六年改袁州逾年還湖南常平改利州路
提刑蜀舊例監司交餽不下數十緡元衡悉拒不
納再移湖北專以平反為心隆興中召還中途遇

盜行李為之一空。帥李師顏餽以匣金。元衡不啟。
緘謝絕之。除工部郎中。未幾歎曰。吾清白傳家。今
不翅足矣。上疏乞骸骨。詔以內閣奉祠。審訓獎之。
有知止不殆之語。為堂榜。以知止。侈止。賜也。繼乞
休。止嘉其志。從之。慶禮成。賜金紫。官至朝散大夫。
卒。年八十六。平生清節。終始不變。喜東坡字。尤精。
柳葉篆。

趙思字再可。其先洛人。從父孝孫字仲脩。建炎間避
地來常熟。思生甫三歲。及長。通春秋。登第。調鍾離。

簿以邊賞從政郎改通直郎乾道中虞允文薦之
引見便殿首問恢復大計奏對稱旨除大府寺簿
太常丞兼度支郎官台州闕守上問大臣誰可任
者僉以思對亟出御筆以授不數月翕然稱治上
親書姓名于御屏除直秘閣淮南路轉運判官兼
提點刑獄過闕辭上曰天台之政朕鉅細悉聞知
卿忠實可仗就陞副使除戶部郎官總領淮東軍
馬錢糧未幾奏計遷起居舍人充金國賀生辰使
先是國信所錄大旨度御名處皆闕不書蓋嘗有

稱之者思曰臣子安得名君父及致詞于廷虜使
從旁咕囁亟令道名思弗之顧虜以為慢斥之朝
廷以金國有詞遂罷歸奉祠八載有使北者言人
間問趙運使安否不絕起為廣西提刑上曰朕每
愛卿才不令遠出改知湖州除直龍圖閣再任尋
除起居郎權吏部侍郎奉祠再知江府崖西經
略以職事脩舉除秘閣脩撰後以集英殿脩撰耳
奉興國祠累轉中大夫卒年七十郡志

張攀字從龍由太學登淳熙十一年進士第初調明

之鄞縣尉楚州教授知建康府溧水縣蔽州倅監
登聞鼓院慶元倅知興國軍除將作監丞太府寺
丞秘書丞詮次中興館閣書目凡萬四千九百四
十三卷上之兼權右曹郎官除尚右郎官改尚左
軍器監同日再命拜殿中侍御史兼侍講在憲府
凡兩年除起居郎兼崇政殿說書卒年七十贈通
議大夫集英殿脩撰時嘉定十六年也攀寬厚易
直遇事開心見誠无一毫矯飾幼年都試即不屑
隨衆減年為欺家世清白持之益堅仕州縣以循

良稱在朝廷以靖共著 顏稱為端人淑士云有
益齋集奏議漢唐論共若干卷

曾懷字欽道公亮曾孫世為晉江人由開封寓居常
熟宣和初以父任調金壇簿常州吏張元貸民錢
解發事敗或謂當死時懷曰无文記以盜論今官有
文記吏焉得死時車駕南巡懷以攝宰面奏上嘉
獎令籍記姓名厯烏江令泚西帥司幹官知淳安
縣濠太平二州通判提舉兩泚市舶知江州孝宗
即位改真州訓習民兵有紀張浚督師大奇之隆

興二年為涪西提舉上以懷有應用才除度支員
外郎別置拘催錢物所令專行以豐裕間進權戶
部侍郎兼提領贍軍諸庫乾道初真除戶部侍郎
奏臣不敢進生財之說以傷陛下愛民之心亦不
敢進善節之說以傷陛下惠下之心但量入為出
使天下之財足天下之用上悅再歲除尚書在版
曹凡五年未嘗以錢穀語人凡錢穀之數州郡所
積與出納之多寡纖悉必記上以蕭何劉晏目之
丐間除龍圖閣知婺州甫三月趣召面賜御書松

賦以示歲寒之意復為戶部尚書八年除參知政
事九年拜右丞相封魯國公淳熙元年除觀文殿
大學士宮觀甫及故里復拜右丞相兼樞密使以
疾免朝參惟令入堂治事遇大政則宣引特令製
輕小金帶以賜復力上印綬仍除觀文殿大學士
宮觀歸薨遂卒年六十九贈少保懷由世家登宰
輔以清約自持為相佩之得大臣體嘗言事之大
者視之以小事之小者視之以無則天下無復事
矣時以為名言有文集三卷

泉州志陸興八年拜
右丞相封魯國公今從之

崔敦詩字大雅紹興間登進士歷任中書舍人加侍

講直學士院論治道大略謂國家之事成於上疏二字

和同敗于乖異今州縣屯戍之要軍凌其民主帥

曲為庇護民侵其軍守令不為伸理于是互相睽

阻大勢不便且令將帥部守平心裁奪消異致和

以稱陛下愛養軍民之意又請公道用人蓋國家

治忽繫公論之廢存人君乃公論之主一有低昂

梗治甚大願詔大臣施舍廢置務明輿論之歸明

勅近臣是非善惡者必考僉言之當使公論在上昭

然明白人心趣向始定而手足有措天下幸甚又
嘗論風俗任將經筵俸進救災五事及州縣掾吏
之弊又請施行白鹿洞教規以廣崇儒重道之化
尚書韓侂古建父世忠家廟乞賜祭器敦詩謂中
興廟器斷自宸衷耳略仿古制命有司鑄爵勺各
一賜之餘定常用之式繪圖畀之俾自製以竹木
棧之敦詩性謹愿議論疏通知大體直宿進講所
陳必剴切至造膝密啟家人不得覘其稿上深器
許之呂伯恭編文鑑後為人所譖復令敦詩刪定

為制辭溫潤詳雅有文集三十卷制藁二十三卷
奏議五卷通鑑要覽六十卷制海十篇鑑韻五編
藏於家嘗寓居常熟卒贈中大夫祀於子游廟兄
敦禮同登進士俱為文宗敦詩尚書韓元吉誌其
墓郡志

宋孝宗一日與崔敦詩論文章閱世變敦詩曰臣
觀近日詔文義理明而氣勢壯便知天下必能中
興遂誦一篇孝宗諦聽天顏喜甚又問曰六朝五
代之文如何敦詩曰六朝之文破碎遂有土地分